



Broj: 05-50-1-185-2/24  
Sarajevo, 26. 2. 2024. godine

PARLAMENTARNA SKUPŠTINA BIH

- Zastupnički dom -

Trg Bosne i Hercegovine 1  
71 000 Sarajevo

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLIENO: 28-02-2024

Organizaciona jedinica	Klasifikaciona oznaka	Redni broj	Broj priloga
01-50-1-		185	24

18-02-2024

**PREDMET:** Odgovor na zastupničko pitanje, *dostavlja se*

**Veza:** Vaš akt broj 01-50-1-185/24 od 19. 1. 2024. godine

Poštovani,

Vijeće ministara Bosne i Hercegovine na 40. sjednici održanoj 26. 2. 2024. godine, na prijedlog Ministarstva vanjske trgovine i ekonomskih odnosa Bosne i Hercegovine, utvrdilo je Odgovor na zastupničko pitanje, koje je postavio Šerif Špago, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem.

*Privitak: - kao u tekstu -*

GENERALNI TAJNIK  
VIJEĆA MINISTARA BiH  
*mr. Robert Midović*

DOSTAVLJENO:  
-naslovu  
-a/a



Bosnia and Herzegovina  
COUNCIL OF MINISTERS

Broj: 05-50-1-185-2 /24  
Sarajevo: 26. 2. 2024. godine

**Šerif Špago**, zastupnik u Predstavničkom domu Parlamentarne skupštine Bosne i Hercegovine, postavio je 19.01.2024. godine sljedeće poslaničko pitanje:

„ Šta je Ministarstvo vanjske trgovine i ekonomskih odnosa Bosne i Hercegovine, do sada, poduzelo na rješavanju jedinstvenog pitanja uređenja tržišta tečnih naftnih derivata u Bosni i Hercegovini? U kojoj fazi je rješavanja ove problematike i kada je planirano da Vijeće ministara Bosne i Hercegovine riješi ovo veoma značajno pitanje?

**Pitanje postavljam Ministarstvu vanjske trgovine i ekonomskih odnosa Bosne Hercegovine"**

Na postavljeno pitanje, Vijeće ministara Bosne i Hercegovine je na **40. sjednici** održanoj **26. 2. 2024. godine**, utvrdilo sljedeći

**ODGOVOR**

Na 31. sjednici, održanoj 07.12.2023. godine, Vijeće ministara Bosne i Hercegovine, na prijedlog Ministarstva vanjske trgovine i ekonomskih odnosa BiH i uz korekcije na sjednici, jednoglasno je donijelo Odluku o kvalitetu tečnih naftnih goriva kojom se uređuje tržište naftnih derivata u BiH i preuzimaju odgovarajuće EU direktive u ovoj oblasti. Podizanje kvaliteta benzinskih i dizelskih goriva i smanjenje količine sumpora u određenim tečnim gorivima pozitivno će uticati na kvalitet vazduha i zdravlje ljudi te doprinijeti ispunjavanju obaveza iz Ugovora o uspostavljanju Energetske zajednice. Donošenje ove odluke je važno i za pristup BiH WTO u kontekstu završetka posljednjih bilateralnih pregovora u procesu pristupanja.

Odlukom će tržište Bosne i Hercegovine konačno biti regulisano na jedinstven način, uz obezbjeđenje kvalitetnijeg goriva na tržištu i pojačanim mehanizmima kontrole kvaliteta te značajno će se poboljšati transparentnost i informisanost krajnjih potrošača.

BiH još nije uspostavila Sistem obaveznih rezervi sirove nafte ili naftnih derivata u skladu sa Direktivom 2009/119/EZ, odnosno nije transponovala Direktivu u roku definisanom odlukom Ministarskog vijeća.

Odlukom Ministarskog vijeća Energetske zajednice br. D/2012/03/MC-EnC od 18. oktobra 2012. godine Ugovorne strane Energetske zajednice prihvatile su obavezu implementacije Direktive Vijeća 2009/119/EZ najkasnije do 1. januara 2023. godine. Transpozicija Direktive 2009/119/EZ samo je prvi korak ka implementaciji ove Direktive. Ova Direktiva reguliše sistem minimalnih rezervi sirove nafte i derivata nafte (Sistem obaveznih rezervi nafte) i na taj način obezbjeđuje sigurnost snabdjevanja energijom u slučaju krizne situacije. Sistem obaveznih minimalnih rezervi nafte i derivata nafte uspostavlja se u količini jednakoj 90 dana prosječnog godišnjeg neto uvoza ili 61 dan prosječne godišnje potrošnje države (ovisno o tome koja je od ove dvije količine veća).

Implementacijom Direktive 2009/119/EZ, Bosna i Hercegovina bi postala dio sistema snabdjevanja sirovom naftom i derivatima nafte na nivou Evropske unije.

Ministarstvo vanjske trgovine i ekonomskih odnosa zajedno sa entitetskim ministarstvima za energetiku nastavlja raditi na usaglašavanju modela uspostave obaveznih minimalnih rezervi u Bosni i Hercegovini.